



Universitätsbibliothek Paderborn

**Tractatvs De Fiducia In Devm Plurimas Et Utilissimas pro
vitâ spirituali instructiones Continens, Præcipue Ad
Obtinendam magnam animæ quietem, & afflictiones
quascunque ingenti cum solatio & fructu ...**

Dusault, Nicolas

Coloniæ Agrippinæ, 1660

§. 5. Resolutio verè Christiana.

[urn:nbn:de:hbz:466:1-50333](#)

§. V.

Resolutio verè Christiana.

Dominus meus & Deus meus es tu, eris
que solus semper o suprēme cœli ter-
reque Monarcha. Tibime servum & subdi-
tum profiteor, ipsaque natura & gratia, pru-
dentia & justitia omnesque rationes divinæ
& humanæ me obligant ut ego tamquam
mancipium te Dominum meum, creatura
creatorem meum, homo Deum agnoscam &
venerer. Mihi autem adhærere Deo bonum est.
Psal. 72. Adhæreat & inhiet, quisquis volet,
honoribus & divitiis, scientiis & artibus, dig-
nitatibus & titulis, carni & sanguini, omni-
bus vitæ hujus vanitatibus & voluptatibus,
mihi adhærere Deo soli certum est. Illi soli
vivo ac vivam, nec aliter vivere placet nisi ut
illi vivam, à quo vitam habent omnia, qui est
potentia, nulla bonitas, nulla sapientia, nulla
majestas, quæ non sit minor quam scintilla
collata soli. Hane gloriam prædicat, dum ad
aram canit Sacerdos: Quoniam tu solus Sanctus,
tu solus Dominus, tu solus Altissimus,
qui est Deus Optimus Maximus, Rex regum,
Dominus dominantium & Monarcha uni-
versorum. *Providebam Dominum in conspectu*

S 7

mlo

meo semper, dicebat Rex David, velut si proprie cum solo Deo degeret super terram. Et post commissum cum Bersabea adulterium cuiusque conjugis Uriæ injustam necem, quo iste troque criminis omnibus subditis pessimum præbuerat exemplum, nihilominus cuber veniam implorans confitetur Deo: *Tibi scilicet peccavi*, quasi hunc solum offendisset, cura tamen revera & perturbasset dominum Iustitiae, & toti populo fuisset gravissimo scandala. Verum id inde fit quod offendicula quæ presentantur hominibus, nullius videntur esse momenti nec nomen offendendi mereri, si comparentur cum offendentia in Deum commissa. scilicet homines & Angeli & quidquid in universo creatum est, divinæ collati essentiae nulli instar reputantur. Quemadmodum etiam obligationes debitæ regibus & magistratus Reip aut parentibus dominisque nostris, & vicissim quæcunque in nos illi & regnante & Respub. jura prætendunt, haec inquam, omnia cessant quasi nullius roboris & virium, ubi agitur de honore Deo debito & subjectione atque observantiâ nostrâ, quam superemo illius Dominio, quod in nos iure summae & primæ potestatis obtinet, debemus. Pari modo licet dicere quod poenæ & supplicia, quæ variorum in homines admissorum



crimina rei incurunt, ne nomine quidem
poenae censeri debeant, si conferantur cum
iis suppliciis quae Deus justè irrogat pecca-
toribus ob culpas in se commissas. Quid e-
nim sunt rotæ, cruce, patibula, equulei, tor-
næ decem vel viginti annorum si compa-
tentur cum ardoribus sempiternis & flam-
nis gehennæ, cum societate dæmonum im-
manissimorum à quibus miseri homines de-
seruntur nunquam, sed æternum torquentur
miris & ineffabilibus modis. Quem non mo-
veant hæc considerationes ut renuntiet crea-
turis, & adhæreat Deo suo, illique soli fidat,
quoniam ille Solus Sanctus, solus Dominus,
„solus Altissimus. Veni ergo Domine JESU,
„aufer scandala de regno tuo quod est anima
„mea, ut regnes tu, qui debes, in ea. Venit
„enim avaritia & in ea vendicat sibi sedem;
„astantia cupit dominari mihi: superbia vult
„mihi esse rex, luxuria dicit, ego regnabo,
„ambitio detractio, invidia, iracundia cer-
„tant in meipso de meipso, cuius potissi-
„num esse videar; ego autem quantum va-
„leo, resisto. Dominum meum JESUM re-
„damo, ipsi me defendo quia ipsius juris me
„agnosco. Ipsum mihi Deum, ipsum mihi
„Dominum teneo & dico: Non habeo Re-
„gem nisi Dominum J E S U M. Veni ergo
Domine

„Domine disperge illos in veritate tua & reg-
 „nabis in me, quia tu es ipse Rex meus &
 „Deus meus. Ita S. Bernardus non minus
 „leganter quam piè. Hujusmodi considera-
 tionis minimum semel quotidie vacare quod
 que deberet.

CAPUT II.

Secundum medium conservandi Fiduciam
 in Deum, considerare naturam creatu-
 rarum nihili instar esse ad
 divinam.

§. I.

Necessitas Divina natura.

Docent Theologi quod duo haec verba
 quibus profertur haec enuntiatio: Deus
 est, unum idemque significant; quia si pro-
 priè & verè loquamur, nihil est, nisi Deus.
 Vnde scitè S. Anselmus infert contra inspi-
 tem qui dixit in corde suo: *Non est Deus*, cum
 contradixisse sibi, nam vox Deus significat,
 est, & vox est, significat Deum. Quare oī
 felix & insipiens cum sacrilegâ cogitatione
 tua blasphemans negas Deum esse, affirmas
 Deum esse & negas esse; pronuntiando enim
 Deum, dicis esse, & negando esse, nomen Dei
 illi eripis; contradictionia ergo loqueris &